

Powšitkowne WOZJEWJENJA

jutrońčku, 31. měrca 2024

Wusyłanje Božemu mšow

Serbskorěčnu Božu mšu móža wěriwi jutrońčku, 31. měrca, w 9.00 hodź. kaž tež jutrownu pónđzelu, 1. apryla, tohorunja w 9.00 hodź. live z Chrósćic sobu swječić. Linkaj na njej stej w interneće pod www.posol.de a na wosadneje stronje podatej.

Kemše w rozhłosu

Serbski rozhłós wusyła dzakne křižerske kemše, wutoru, 2. apryla, z Róžanta. Započatk je w 19.00 hodź.

Ministrantska kopańca

Koparski turněr ministrantow ze serbskich wosadow budže sobotu, 8. junija, w Pěskcach. Započatk je w 9.00 hodź. z Božej mšu we wjesnej kapalce.

Požohnowanje motorskich

Popołdno z požohnowanjom motorskich zahaji so njedzelu, 14. apryla, w 14.00 hodź. z nyšporom w Ralbičanskej cyrkwi. Přizamknje so zhromadny wulět.

Časy Božich službow a křižerskich procesionow

Přehladaj Božich službow wot bołmončki hač do jutrowneje pónđzele w serbskich wosadach kaž tež časow křižerskich procesionow stej na internetowej stronje www.posol.de wozjewjenej. Woboje předleži w serbskej a němskej rěči.

W telewizy wo Ralbicach

Tři dny je team telewizijnego sćelaka MDR srjedź měrca w Ralbicach wšelake podawki natočil. Mjez druhim je tež na putnikowanju swójbow njedzelu, 17. měrca, přichad a wotchad procesionow a džěl Božej mše zapopadnył. Jutrońčku, 31. měrca, to MDR rjedže „Unser Dorf hat Wochenende“ wot 9.00 do 9.30 hodź. hodź. wusyła. Hižo wot soboty, 30. měrca, 9.00 hodź. budže film w mediatece ARD k dispoziciji stać.

Serbske kemše w Drježdžanach

Drježdžanscy Serbja su na maćernorěčnu Božu mšu njedzelu, 7. apryla, w 16.00 hodź. do cyrkwe swjateho Antonija na Bünauskej 10 přeprošeni. Kemše swjeći farar Gabriš Nawka. Přizamknje so bjesada.

Wustajeńca wo jutrach w Budyskim Serbskim muzeju

W lětušej jutrownej wustajeńcy Serbskeho muzeja, kotraž je hač do njedzele, 5. meje, přistupna, wěnuja so zaso nałožkam a tradicijam Serbow wot zeleneho štwórtka hač k jutrońčce. Mjez druhim spominaja z inscenaciju „Na křižerjach“ Budyskeho Němsko-Serbskeho ludoweho dźiwadła na serbskeho spisowačela Bena Budarja. Pod hesłom „kóstku dać“ zaběra so wuměłča Karoline Schneider z wuznamom kawrijowych mušlow za serbsku křižersku tradiciju a za kultury po wšěm swěće.

Zwukowa instalacija podlěšena

Wulkeho zajima dla je spirituelna zwukowa instalacija „Lubowany“ w Rakečanskej ewangelskej cyrkwi dlěje přistupna, a to hač do njedzele, 14. apryla. Boži dom je wšednje wot 9.00 do 20.00 hodž. wotewrjeny. Zastup je darmotny.

Putniska jězba

Na serbsku putnisku jězbu do Augsburga a Maria Vesperbild wot pónđeje do štwórtka, 15. do 18. julija, přeprašuje Radworske Šmitec busowe wozydłownistwo. Duchowny nawod změje farar Gabriš Nawka. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Jězba w lětnich prózdninach do Lückendorfa

Dekanatne dušepastyrstwo za džěci přeprašuje šulerki a šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot pónđeje do pjatka, 8. do 12. julija. Swójski přinošk na wobdžělnika wučinja 110 eurow. Přizjewjenja přijimuja hač do tuteje njedzele, 31. měrca 2024, online. Link na wotpowědu stronu je pod www.posol.de wozjewjeny.